

დღესნუმი

გაზეთი გამოდის
ერთი ჯერად
10 წუთისაგან

საქართველოს კომპარტიის ცენტრის რაიონული კომიტეტისა და
ცენტრის სახალხო დემოკრატიული რაიონული საბჭოს ორგანო
«ЛЕЧУМИ» — Орган Цагерского райкома Компартии Грузии
и Цагерского Районного Совета народных депутатов

№82 (6308) სამშაბათი 10 ივლისი 1990 წელი ზაჩი 3 კბ.

ს ა ი ნ უ რ რ მ ა მ ი რ ც ნ რ ბ ა

საბჭოთა კავშირის კომუნისტური პარტიის XXVIII ყრილობა

1990 წლის 5 ივლისს მუშაობა განაგრძო საბჭოთა კავშირის კომუნისტური პარტიის XXVIII ყრილობამ.

ყრილობის წინა სხდომაზე შექმნილ სექციებში მიმდინარეობდა დისკუსია პარტიის ორგანიზაციულ-პოლიტიკური განახლების, მისი იდეოლოგიური მუშაობის სრულყოფის, საბჭოებთან, საზოგადოებრივ-პოლიტიკურ ორგანიზაციებთან და მოძრაობებთან ურთიერთობის საკითხებზე.

დიდი დაფიქრებით, აწონ-დაწონილად განიხილავდნენ თანამედროვე ეტაპზე საბჭოთა კავშირის კომუნისტური პარტიის ეროვნული პოლიტიკის საკითხებს.

მწვავე პოლემიკა მიმდინარეობდა გარდაქმნის პერიოდში პარტიის სოციალურ-ეკონომიკური და აგრარული პოლიტიკის პრობლემებზე.

ყოველმხრივ განიხილეს და ღრმად გაანალიზეს საბჭოთა კავშირის კომუნისტური პარტიის საერთაშორისო საქმიანობა, რომლის მიზანია საზღვარგარეთის პროგრესულ პარტიებთან და მოძრაობებთან მისი ურთიერთობის განვითარება და განმტკიცება.

დღევანდელ მთელ მსოფლიოში რეკომენდაციებსა და წინადადებებს განიხილავდნენ ყრილობის პლენარულ სხდომაზე.

6 ივლისს მოსკოვში, კრემლის ყრილობათა სასახლეში მუშაობა განაგრძო საბჭოთა კავშირის კომუნისტური პარტიის 28-ე ყრილობამ. გრძელდებოდა კამათი განსახილველ საკითხთა გამო.

შემდეგ სკკ 28-ე ყრილობის მისამართით

შემოსული წერილებისა და მიმართვების ხასიათზე ინფორმაცია გააკეთა ყრილობის სამდივნოს ხელმძღვანელმა ა. ნ. ილინმა.

მასობრივი ინფორმაციის საშუალებების მიერ ყრილობის მუშაობის არასაკმარისად, ფართოდ, მთელ რიგ შემთხვევებში კი ტენდენციური გაშუქების შესახებ შემოსული კრიტიკული შენიშვნების თაობაზე განმარტება გააკეთა და კონკრეტული წინადადებები შეიტანა პრესასთან კავშირის ჭკუფის ხელმძღვანელმა ლ. პ. კრავჩენკომ.

7 ივლისს მოსკოვში, კრემლის ყრილობათა სასახლეში მუშაობა განაგრძო საბჭოთა კავშირის კომუნისტური პარტიის XXVIII ყრილობამ.

დილის სხდომაზე უძღვებოდა ს. ა. ნიკოლოზი — თურქმენეთის კომპარტიის ცენტრალური კომიტეტის პირველი მდივანი, თურქმენეთის სსრ უზენაესი საბჭოს თავმჯდომარე-ყრილობის მონაწილეთა წინაშე გამოვიდა ვ. ლ. იურჩენკოვა — გომელის ოლქის ხოინიის №2 საშუალო სკოლის დირექტორი.

შემდეგ მოისმინეს ყრილობაზე მომუშავე სექციათა წარმომადგენლების ინფორმაციები.

მოხსენებებით გამოვიდნენ:

„პარტიის განახლების“ სექციისაგან — ი. ი. მელნიკოვი, მოსკოვის ლომონოსოვის სახელობის სახელმწიფო უნივერსიტეტის პარტკომის მდივანი;

„იდეოლოგიური მუშაობის“ სექციისაგან — ი. ტ. ფროლოვი, სკკ ცენტრალური კომ-

იტეტის მდივანი, გაზეთ „პრავდის“ მთავარი რედაქტორი;

„სოციალურ-ეკონომიკური პოლიტიკის“ სექციისაგან — ს. ი. გურენკო, უკრაინის კომპარტიის ცენტრალური კომიტეტის პირველი მდივანი;

„სკკ აგრარული პოლიტიკის“ სექციისაგან — ვ. ა. სტაროდუბცევი, ტულის ოლქის ლენინის სახელობის ჯიშთსანაშენე კოლმეურნეობის თავმჯდომარე, სსრ კავშირის გლეხთა კავშირის თავმჯდომარე;

„პარტიის, საბჭოების, საზოგადოებრივ-პოლიტიკური ორგანიზაციებისა და მოძრაობების“ სექციისაგან — ვ. ა. კუპცოვი, სკკ ცენტრალური კომიტეტის საზოგადოებრივ-პოლიტიკურ ორგანიზაციებთან მუშაობის განყოფილების გამგე;

„საბჭოთა კავშირის კომუნისტური პარტიის ეროვნული პოლიტიკის“ სექციისაგან — ა. ნ. გირენკო, სკკ ცენტრალური კომიტეტის მდივანი;

„საბჭოთა კავშირის კომუნისტური პარტიის საერთაშორისო საქმიანობის“ სექციისაგან — ვ. მ. ფალინი, სკკ ცენტრალური კომიტეტის საერთაშორისო განყოფილების გამგე.

მოხსენებათა დამთავრების შემდეგ ყრილობამ მიიღო გადაწყვეტილება კამათის შეწყვეტის შესახებ.

შემდეგ ყრილობის მონაწილეთა კითხვებს უპასუხეს სკკ ცენტრალური კომიტეტის პოლიტიკური წევრებმა: ნ. ი. რიუკოვმა — სსრ კავშირის მინისტრთა საბჭოს თავმჯდომარე, ვ. ა. მედვედევმა და ა. ნ. იაკოვლევა — სკკ ცენტრალური კომიტეტის მდივნებმა.

რძე, სორცა: პაჯამებში 6 თვის უძაგებს

დასრულდა მიმდინარე წლის პირველი ნახევარი. დღეს, ჩვენი რესპუბლიკისათვის ასე დაძაბულ და სიახლეებით აღსავსე ცხოვრებაში, საგვგამო დავალების შესრულებას უდიდესი მნიშვნელობა აქვს. მაგრამ იმის გამო, რომ შესუსტდა მომთხოვნელობა, ამასთან ხალხში გავრცელდა ხმები სორცის შესახებ, უდიდესი გადიდების შესახებ, მოსახლეობა, რომელსაც საიჯარო ხელშეკრულების თანახმად ყოველწლიურად 80-100 კილოგრამი სორცი უნდა ჩაება-რებინა, თავს იკავებს საკარმიდამო მეურნეობიდან სორცის მისაღებად. საზოგადოებრივმა მეურნეობებმა კი, ვინაიდან მეცხოველეობის ფერმები გააუქმეს, პირუტყვი საიჯარო ხელშეკრულებით საკარმიდამო მეურნეობას გადასცეს, საზრუ-

ნავი თავიდან მოიშორეს და საკარმიდამო მეურნეობას არავითარ მზრუნველობას აღარ უწევს, მოსახლეობაში მეცხოველეობის პროდუქტების მოთხოვნის უფლებაც დაკარგეს.

სწორედ ამან განაპირობა, რომ სორცის და რძის სახელმწიფოსათვის მიყიდვის 6 თვის საგვგამო დავალება შეუსრულებელი დარჩა.

რა მდგომარეობაა ამ მხრივ ცალკეულ საზოგადოებრივ მეურნეობებში? სორცის სახელმწიფოსათვის მიყიდვის 6 თვის გეგმა შესრულებულია მხოლოდ და მხოლოდ ტვიშისა და წიფე-რჩის კოლმეურნეობებში და საკოლმეურნეო სატყეო მეურნეობაში, ხოლო რძისა კ — ტვიშის, აღბანის, ორბელის, წიფერჩის კოლმეურნეობებსა

და უსახელოურის მევენახეობის საბჭოთა მეურნეობაში.

სორცის დამზადების 6 თვის გეგმის შესრულებაში ძალზე დაბალი მაჩვენებლები აქვთ აღბანის, ლილაშის, ორბელის, ჩხუტელის, ღვირიშის კოლმეურნეობებს, ხოლო რძის საგვგამო დავალების შესრულებაში ჩამორჩნენ ლაჩანის, ცაგერის, ლილაშის, ღვირიშის კოლმეურნეობები.

ცალკეულ საზოგადოებრივ მეურნეობათა ჩამორჩენა განაპირობა, რომ სულ რაიონში გეგმით გათვალისწინებული 1500 ცენტნერი სორცისა და 2800 ცენტნერი რძის ნაცვლად დამზადებულ იქნა 971,4 ცენტნერი სორცი და 2456 ცენტნერი რძე, მაშინ, როცა გასული წლის ამ პერიოდში 1901 ცენტნერი სორცი და 4076 ცენტნერი რძე იყო დამზადებული.



პარბი პირი უჩანს წელს ლა-სურიაშის კოლმეურნეობაში სიმინდის მოსავალს. საიჯარო შრომამ, ანაზღაურების გავრცელებამ გააქტიურა მშრომელები.

0,4 ჰექტარი ყანა აქვთ კოლმეურნეობის ქალის ფართობში საიჯარო წესით მოსავლილად ზაირა მუშუღიანს და მავული

ზენდელიანს. ჯამრჯე ქალს კ. რგი მოვლილი აქვთ ყანა. მათ უკვე დაამთავრეს პირველი თონხა და ყანა სასუქითაა გაანოყიერეს.

სურათში: ზაირა მუშუღიანი (მარჯვნივ) და მავული ზენდელიანი თონხიან ყანას.

ზ. გომბაშას ფოტო.

განიხილავან საქართველოს

კომუნისტური პარტიის პროგრამას

პროექტში ბევრ რამეს არ დაეთანხმენ

საქართველოს კომპარტიის პროგრამისა და ორგანიზაციულ და სტრუქტურული წყობის ძირითადი დებულებების პროექტში ხაზგასმულია, რომ საქართველოს კომუნისტური პარტია გამოხატავს ისტორიის მანძილზე დაშვებულ შეცდომებს, ცხოვრების მართვის სტერეოტიპებს, იგი თავისი პროგრესული ამოცანების გადაწყვეტისას ითვალისწინებს საქართველოს ეროვნული განვითარების კონცეფციას, არ დაუშვებს რესპუბლიკის სუვერენული უფლებების, მათ შორის მასში შემავალი ავტონომიური ფორმირების ინტერესების შელახვას. პროგრამის მთავარი მიზანია საქართველოს სრული სახელმწიფოებრივი დამოუკიდებლობის აღდგენა, ეკონომიკური, პოლიტიკური, სოციალურ-კულტურული და ზნეობრივი ამოცანების ეტაპობრივი, კომპლექსური გადაწყვეტის საფუძველზე სამართლებრივი სახელმწიფოს შექმნა.

გულახდილობის ვითარებაში გაიმართა ცაგერის რაიონული

გაზეთის „ლეჩხუმის“ რედაქციაში და რაიონული სტამბის პირველადი პარტიული ორგანიზაციის ღია კრება, რომელიც საქართველოს კომპარტიის პროექტის განხილვას მიეძღვნა.

კრების მონაწილეები ერთხელ კიდევ გულისყურით გაეცნენ პროექტს. კრებაზე აღინიშნა, რომ რესპუბლიკის პოლიტიკურ, სოციალურ და ეკონომიკურ ცხოვრებაში მიმდინარე მოვლენების სიმწვავე, სირთულე და წინააღმდეგობრიობა გვიყარნახებს, ხელახლა გავიჭროთ ბევრი მიდგომა პარტიული მუშაობის შინაარსისადმი, ფორმებისა და მეთოდებისადმი, დღეს დიდი მნიშვნელობა აქვს გულახდილობასა და კონსტრუქციულ დიალოგს, საჭიროებას, კონკრეტულ გადაწყვეტილებათა მიღებას, რომლებიც ხელს შეუწყობენ ძალთა კონსოლიდაციას საქართველოსა და ქართველი ერის ინტერესებისათვის.

კრებამ ერთხმად აღიარა, თუ რაოდენ საჭიროა საქართველოს პარტიულ ორგანიზაციას მკონ-

დეს პრინციპული დოკუმენტი, რომელიც შემდეგ დამოუკიდებელი კომპარტიის საფუძველი

უნდა გახდეს.

ამიტომ თითოეული მუხლი და პუნქტი პროექტისა მკაცრად გაიშინა. ითქვა, რომ ბევრი შეუსაბამოა და წინააღმდეგობრივი აზრია ჩადებული პროგრამაში.

თითქოსდა დამოუკიდებლობის, პასუხისმგებლობის ამოცანების მოტივით პარტიაში მიღება იწყება და მოაგრდება პარტიულ ორგანიზაციაში, რაც სწორად არ მიიჩნევა. ეს ერთგვარად სწევს პარტიის ავტორიტეტს, გზას უხსნის ყველა ჯურის მსურველს პარტიაში შესასვლელად.

კრების მონაწილეები არ და-

ეთანხმენ პარტიული ჯგუფების არსებობის აუცილებლობას. ცხოვრებაში დაგვიანება, თქვეს კომუნისტებმა, რომ ეს ჯგუფები გადაიქცა პარტიის დანაშაულად, ფორმალისმის ბუდედ.

არც პარტიურად არჩევის დაეთანხმენ პირველადებში 2-3 წლის ვადით. განახლება უნდა მოხდეს ყოველ 2 წელიწადში მაინც, იგივე შენიშვნა გამოითქვა პარტიის რაიონული კომიტეტის უფლებამოსილების ვადის თაობაზე.

სოფლად, ითქვა კრებაზე, უმჯობესია ფუნქციონირებდეს რეგიონალური პარტიული ორგანიზაციები სასოფლო საბჭოებთან, რომლებიც კოორდინირებულად წარმართავენ მუშაობას, უფრო მეტს გააკეთებენ რეგიონის სოციალურ-ეკონომიკური და კულტურული პრობლემების გადაწყვეტისათვის.

პროგრამაში მითითებულია:

„პარტიიდან გასულს უფლება აქვს კვლავ შევიდეს პარტიაში“.

პარტიული დესკანდენციაში ლეგისა და ავტორიტეტის განმტკიცების მიზნით პარტიაში მოხდეს გასულის ხელმეორედ პარტიაში მიღება.

„საქართველოს კომპარტიას რესპუბლიკის ეკონომიკური პოტენციალის განუზრელი ზრდის მაგისტრალურ გზად საბაზრო ეკონომიკა მიაჩნია“. ამ ფორმულირებას დაეთანხმენ კრების მონაწილეები, მაგრამ ისიც ითქვეს, რომ შეუთავსებელია სოციალიზმი და საკუთრების ყველა ფორმის აგრეთვე თავისუფალი მეწარმეობის დაშვება, რასაც პროექტი ითვალისწინებს.

კრების მონაწილეებმა ილაპარაკეს საქართველოს კომპარტიის 28-ე ურილობის პირველ ეტაპზე, მეორე ეტაპისათვის მზადებაზე.

სახალხო დეპუტატთა რაიონული საბჭოს კრებიდღიუმს მოჰპოვებდა ახალგაზრდების სახელით

სახალხო დეპუტატთა დღევანდელი რაიონული საბჭო, რომელიც სამი წლის უკან არჩეულ იქნა ყოველგვარი დემოკრატიისა და საჭიროების უგულვებელყოფის პირობებში არ ან ვერ წარმოადგენს იმ ორგანოს, რომელსაც შეუძლია ილაპარაკოს ლეჩხუმელი ხალხის სახელათ. მიმდინარე წლის ოქტომბერში საქართველოში უნდა მოეწეოს საყოველთაო დემოკრატიული (მრავალპარტიული) არჩევნები. ანალოგიური არჩევნები ადგილობრივ საბჭოებში მოგვიანებით ჩატარდება.

გარკვეული პერიოდის განმავლობაში საქართველოს უზენაესი ხელისუფლება ადგილობრივ ხელისუფლებასთან აღმოჩნდება სრულ შეუსაბამოაში. შექმნილი რთული საზოგადოებრივ-პოლიტიკური ვითარების გამო გულწრფელად ვაცხადებთ, რომ რაიონულ საბჭოში წარმოდგენილი ახალგაზრდა დეპუტატები (სხვაზე რომ არაფერი ვთქვათ) ობიექტური თუ სუბიექტური მიზეზების გამო ვერ გამოხატავენ რაიონის ახალგაზრდობის ინტერესებს, რის გამოც უშედეგო ხდება ხელისუფლების ორგანოებში მათი მონაწილეობა. გამოვდივართ რა რაიონის მოსახლეობის, განსაკუთრებით ახალგაზრდების ინტერესებიდან, მოვითხოვთ:

1. სახალხო დეპუტატთა რაიონულმა საბჭომ. მისმა პრეზიდიუმმა თავიანთი საკმარისობის პერიოდში საზოგადოებრივ-პოლიტიკური ცხოვრების ნებისმიერ საკითხზე გადაწყვეტილება მიიღონ მხოლოდ და მხოლოდ რაიონის ფართო საზოგადოებრიობის, ახალგაზრდობის აზრის გათვალისწინებით.
 2. რაიონული საბჭოს პრეზიდიუმში ცალკე გამოიყოს ახალგაზრდობის საკმეო მუდმივმოქმედი კომისია, რომლის ხელმძღვანელობა დავალოს ერთ-ერთ ახალგაზრდა დეპუტატს.
 3. რაიონული საბჭოს რეგარეშე სესიამ, რომელიც უნდა გაიმართოს არაუმეტეს ერთი თვის ვადაში, განიხილოს საკითხი ახალგაზრდობის შრომითი მოწყობისა და დასაქმების კუთხით რაიონში შექმნილი რთული მდგომარეობის შესახებ.
- ჩვენი მოთხოვნების დაუკმაყოფილებლობის შემთხვევაში მივმართავთ საპროტესტო ღონისძიებებს.
- საქართველოს ახალგაზრდული კავშირის ცაგერის რაიონული ორგანიზაციის სათაბიროს სახელით:
- გიორგი კვირკაშვილი
მარიამ სვანიძე
სოფარ ლარცულაიანი.
დადი ხვადაგიაიანი.
თამილა მგაგრაი.
ნუგზარ კოპალიანი.



მიმდინარე ხუთწლედის 4 წლის განმავლობაში ერთნავე არჩერ გაიზარდა სოფლის მეუ-

რნობის წარმოების მოცულობა ორლოვის ოლქის ურიცხის რაიონში. იყენებენ ახალი ეკონომ.

სოფელი ერთი ქალია...

მეშაურულმა მოვლენებმა სოფელ ჩხუტელში მცხოვრებ ბევრ ოჯახს დაუნებია ბუდე. ბევრმა შეცვალა ადგილ-სამყოფელი, ნაწილი ცაგერში დასახლდა, ნაწილიც ბოლნისისკენ გაუყვია გზას. აბრეშუმის მურის რეალიზაციისა და აბრეშუმის პარკის დამზადების გეგმა კი კოლმეურნეობისათვის ისევ უცვლელია. 1000 გრამი მურისა და 1900 კილოგრამი აბრეშუმის პარკის დამზადება კვლავ დარჩა ძალაში მიმდინარე წელსაც.

ჩხუტელელებს აბრეშუმის პარკის დამზადების კარგი ტრადიცია გააჩნიათ, თავის შერცხვენა არც წელს უნდათ, ამიტომაც წასულ მეაბრეშუმეთა სიმძიმე დანარჩენებმა გაიწაწეს. თუ გასულ წლებში თითოეული ოჯახი საშუალოდ 5 გრამ მურს უვლიდა, წელს ბევრმა 10 გრამი და მეტიც გაიყვანა. ამ ენთუზიაზმს არც აგრონომი და არც კოლმეურნეობის ხელმძღვანელობა არ მოელოდა.

სასიამოვნოა, რომ სოფლის ცნობილ, სახელოვან მეაბრეშუმეთა პლეიადას ახალ-ახალი სახელები ემატება.

დღეს ერთ-ერთ მათგანზე მინდა მოვიხსენიო. იგი დილა აღრიანდა მეუღლესთან ერთად აბრეშუმის პარკის ცაგერის მიმდებ პუნქტში მიიქარა.

საკვირველ მოსაფალს არ მოელოდა, მაგრამ რადგან სხვა საქმესთან ერთად აბრეშუმის მურის გამოკვებაც იქისრა, არ სურდა თავი შეეკავებინა.

ცალა მურცხვალამ ჩხუტელელთა რძალია, ჭარბად, შავგერმანი, სანდომიანი, მასში აშკარად იგრძნობა ეთიკური შემართება, სახეზე რაღაც უჩვეულო შინაგანი ნათელი გადასდის. ხუთი ათეული წელი კრიალოსანივით ჩამოიმარცვლა. შვიდი წელია კოლმეურნეობის მელორეობის ფერმაში მუშაობს, ოჯახურ ივარაშიც არის ჩაბმული. წელს აბრეშუმის მურის გამოკვებაც ივალდებულა და იმ დღეს საკუთარი თუთით გამოკვებილი 36,6 კილოგრამი აბრეშუმის ხარისხიანი პარკი შემატა საერთო ღრვლათს. იცის, რომ მეაბრეშუმეობის განვითარებას საქართველოს ეკონომიკური დამოუკიდებლობის პირობებში დიდი სარგებლობის მოტანა შეუძლია.

მეუღლე, ვალოდია ვასილის ძე მურცხვალამ, კოლმეურნეც არის და მუშაც. ივარით სასიმინდესაც უწეის და ზეარსაც. მე რომ რაიმე მეკითხებოდეს გლეხისათვის ივარულ შრომაზე უკეთესი ფორმა არ არსებობსო, შარშან კოლმეურნეობას თავისი მიუტანე, ჩემს ნალიაზე კი 600

იყური ურთიერთობის ფორმებს: ოჯახური ფერმები, ფერმერული მეურნეობები, ივარა მსხვილი წარმოების პირობებში — რძის კომპლექსები, მოიჭარეთა კომპრატივები.

ბედი არ სწყალობდა მოიჭარე ეგვანი იაკოვლევს (სურათზე — ქალიშვილთან ერთად). მან ორჯერ გაიყვანა მოზრები კოლმეურნეობიდან გასაზრდელად; მაგრამ რატომღაც შედეგი არ ჩანდა. ბოლო ორ წელიწადში მან შეძლო შეეძინა ტრაქტორი, სათესი, მოსავლის ამღები მანქანა. მეზობლებმა ამის გამო მას „კულაგი“ შეარქვეს. ამ რამდენიმე თვის უკან ის დააჯილდოვეს სიგელით „საუკეთესო მოიჭარე—89“.

ვალოდია სარემონტო—სამშენებლო უბანშიც მუშაობს ახლანდელ დავებაზე, ამ ძველ საქმეს მთელი მონდომებით ემსახურება. როგორც ბევრს, ვალოდიასაც დაეგრა სახლ-კარი. ერთ ხანს კოლმეურნეობის კანტორის შენობაში ცხოვრობდა ოჯახი, ადგილის დღის სიყვარულმა დაჰაბნა, ვერ დათმო სოფელი, არც ბოლნისში წავიდა და არც ცაგერში დასახლებაზე გამოუწვია გულმა, ჩხუტელში, კლდის ძირის უბანში შეისყიდა სახლი, საკარმიდამოდ კი ისევ დახლენილ, ნაწილებად ქცეულ მიწას იყენებს. ჯერჯერობით ჩემს ოჯახურ მოთხოვნილებას ვიკმაყოფილებ, შარშან 300 კილოგრამი ხორცი სახელმწიფოსაც მივეციდეო, გვეუბნება ვალოდია.

ქალბატონმა ცალამ მეოთხედ განიცადა დედობის სიხარული. სამი ქართველი დედა და ერთი ფუძის გამგრძელებელი შემატა ქვეყანას. გამოჩენილ ადამიანებს უთქვამთ: მართოდენ დედობა აძლევს ქალს უფლებას „პარტეკმულად“ იწოდებოდეს.

ბ. ბაპრაძე.

დღივს ლიტერატურის გაკვეთილების საგანმანათლებლო და აღმზრდელობითი მნიშვნელობა. იგი მოწოდებულია, ხელი შეუწყოს მოსწავლეთა პიროვნების ფორმირებას, მისი ზნეობრივი ხასის გამოკვეთას, ეხმარება მოსწავლეს გარესამყაროს შეცნობასა და სწორი მოსოფლმხედველობის ჩამოყალიბებაში.

გაიარა ცხოვრებამ და ბევრი რამ გახდა გულგასატეხი, წლებითა და საუკუნეებით კერპად ქცეული ადამიანები დამსხვრეულ მითებად იქცნენ. მაგრამ, საბედნიეროდ, გვეყვანან ღირსეული შვილები ქვეყნისა, რომლებსაც დროის მსვლელობა მეტ პატივს მიაგებს და სამაგალითო-ნი ხდებიან მომდევნო თაობებისათვის.

ერთ-ერთ მათგანს წელეულს დაბადებიდან 150 წელი შეუსრულდა და მშობელი ხალხიც მოწიწებით აღნიშნავს ამ ღირსეულ თარიღს.

აკაკი წერეთელი — მავედრებელი მამულის დარბანი დღის დადგომის, მეტად ახლობელი და საყვარელი ქართველთათვის. პოეტის პირადი თუ საზოგადოებრივი ცხოვრება, მისი მადლიანი კალამი აღმზრდელია იმ დიადი გრძნობებისა, სამშობლოს სიყვარულის, ერის სამსახური, მოძმეთათვის თავდადება, სიკეთე, სიმართლე, პატიოსნება, მოყვასის გატანა, მშობლებისადმი პატივისცემა, ერთგულება და კაცის უღალატოდ ცხოვრება რომ პქვი.

აკაკი წერეთლის შემოქმედების სწავლება იწყება დაწყებითი კლასებიდან და ერთგვარად ჯამდება მეათე კლასში. მოსწავლეებმა მასწავლებლის მითითებით უწყვეტად უნდა იკითხონ ყველა ჟანრის ნიმუშები, ზეპირად ისწავლონ ლექსები. მათი უმრავლესობა ხომ სასიმღეროდ და გაკრილი ხალხში, ტბილხმოვანი და მომხიბლავია მეტად, ჰკუის ღამრიგებელი და გზის მაჩვენებელია შთამომავლობისათვის.

მე-10 კლასში ვერ დავიწყებთ ახალი მასალის ახსნას, თუ არ შეიქმნა ფონი საფუძვლიანი მუშაობისათვის. ბავშვებს მოვარგონებ ნასწავლ მასალას, ვისაუბრებთ ნაწარმოებთა მიზანდასახულობაზე, მოვამზადებთ შემდეგი გაკვეთილისთვის. პოეტის ცხოვრებისა და მოღვაწეობის შესწავლა ისე უნდა წარიმართოს, რომ მოსწავლეებმა აშკარად დაინახონ სასიკეთო. მამულიშვილი, ერისკაცი, სიმართლისათვის მებრძოლი.

საუბრის დროს მისი პორტრეტი უნდა უცქეროდეს ბავშვებს, მისი დინჯი შუბლი, სევდიანი თვალები, საქვეყნო საქმისათვის მზრუნველი და მოქირანახულები, ერთი შეხედვითაც უნდა გამოკვეთონ იმთავითვე.

„მიუვარს საზოგადოდ ბავშვი, უგულითადესად, პატივსაცემად მოწუცებულია, ღირსეულად ვაუწყებ ვაჟაკობას, მაგრამ გული კი ქაბუკობისაგან მიმიწევს და ყველაზე უფრო იმას

შეფარვით ვეტრფილები!“
ალბათ იმით, რომ ქაბუკობა ხანაა შეღებანი, მაგრამ გადაჭრული, აქციები, უკანდაუხევი. განსაკუთრებით ქართველი ამ პერიოდში თავს არავის დააჩაგვრინებს. ამას ამტკიცებს ყოველდღიური ცხოვრება.

მოსწავლეებმა კარგად უნდა გაიგონ მოძრაობა და მისი მნიშვნელობა, რადგან იგი ადამიანთა ურთიერთობისათვის არის დაცემიერი და არა ქედმავლობისათვის. ძიძისადმი პატივისცემა, დედა-სალოცავი ხატი, ზნეობრივი სიფაქიზე, ღმრთისადმი სიყვარული ანკარა წყაროსებრ მოედინებოდა აკაკის მხურვალე გულიდან.

მშობლებისადმი სიყვარული და პატივისცემა ერთი დიდი აღმზრდელობითი მნიშვნელობის მასალაა აკაკის ცხოვრებიდან. ამ მხრივ ბავშვებს ვაძლევ წაიკითხონ პირადი წერილები მშო-

გონებით ნათქვამი: „შეაწვილი ბუნებასთან ნაზიარია, ყოველთვის სურს, რომ თავისი გულისსასუბნი სხვებსაც გადასცეს. შეატკობინოს. ეს მხოლოდ შეუძლია თავის ტოლ ამხანაგებთან. ხშირად, როდესაც ყმაწვილი ვეღარა მხედავს ტოლ ამხანაგებს, უსულო საგნებს ესაუბრება, პირუტყვებთან ხომ ისე სიამოვნებით მუსიაფობს, რომ მეტი აღარ შეიძლება, მხოლოდ დიდებთან ვერ ახერხებენ ყმაწვილები სიტყვა-პასუხსა და გულს არ უხსნიან მათ. ეს კი თვით უფროსების მდებარეობისა და აუყოლებლობის ბრალია“.

აკაკის ამ სიტყვებმა მეტად უნდა ჩავვაფიქროს, ჩავახედოვს ყმაწვილის სულში, გვაპოვნინოს მასთან საერთო და გულის გასაღები.

ბიოგრაფიული ცნობების სწავლებისას ბავშვების წინაშე უნდა წარმოვაჩინოთ პოეტი — როგორც სხარტი, ენაშეკერი, რაც ბოლომდე გაჟუჟა (მოვი-

სტუდენტობის საუკეთესო წარმომადგენლებს საერთო იდეური განწყობილებანი აერთიანებდათ. ეროვნული და სოციალური განთავისუფლების იდეალები თუ ჩემი აზრით, ილიასა და აკაკის იქ არსებული შემოქმედებითი ურთიერთობა ძირითად ქართველთა სათვისტომოების შექმნის და მოქმედების, ციციზმოდებულ გულებს რომ შევებას მისცემს და საქართველოს დამოუკიდებლობისათვის ზრუნვას რომ მიუერთებენ თავიანთ კანონიერ მოთხოვნებს.

აკაკის და ილიას ურთიერთობაზე ბავშვებმა თვით უნდა აწარმოონ ძიება, რაც გამოვლინდება სწავლების პროცესში ინფორმაციითა წარმოდგენით, მასალა გამდიდრდება თანამშრომლობის გზით. მოვიყვან ერთ ფაქტს, 1860 წლის „ცისკრის“ ნომერში დაიბეჭდა ლექსი „ამოაქებნა“ ანუ „მწირის ღამე“, სადაც დახატულია მეოცნებე ქაბუკი, რომელიც არავის ნაპირზე ჩაფიქრებული თვალს ადევნებს წყლის დენას და საქარ-

ქართულ ფოლკლორში. ხალხური ლექსები, შაირები, ზღაპრები, თქმულებები, ლეგენდები, იგავ-არაკები და სხვანი, წერს აკაკი — რაც კი შეადგენს წარსულს სიტყვაობას, საზოგადოდ ყოველი ხალხისათვის ძვირფასი განძია, როგორც მტკიცე საძირკველი მისი ისტორიისა და უტყუარი სარკე მისი წარსული ეროვნებისა. თუ არ მომავლავი ხალხი, ისე ამ განძზე ზღვს ვერ აიღებს ვერც ერთი სიცოცხლის მოსურნე ერი.

აკაკის ეს შეგონება სამოქმედოა ქართველთათვის. ქართული ენის მოქირანახულები, მათ შორის მოსწავლეები მტკიცედ ადგანან ამ გზას.

სწავლების პერიოდში მოსწავლეებს ვაძლევ ნიჭიერ კალმოსანთა შეფასებების შეკრებას, რომელიც სჭირდებათ პოეტის ნიჭიერებისა და საქვეყნო საქმისათვის ზრუნვის გაცნობისათვის. დღეს, ყველა ქართველი გულისტკივლით აღნიშნავს, რომ გაიყიდა საქართველოს მიწა-წყალი, საკუთარ ლუქმას შეგვიზიარა უცხო ტომი და ლამის პირიდან გამოგვაცალოს იგი, რაც ვაი ხელმძღვანელთა უგერგოლო მუშაობის შედეგია, ანდა მათი ჭიბის გასქელების მსხვერპლი. აკაკი ამას იმთავითვე გრძნობდა და ანდერძად უტოვებდა შთამომავლობას, არ დაეშვათ ეს საშინელი დანაშაული. „არც ერთი ქვეყანა ისე მდიდარი არ არის მადნეულობით, როგორიც ჩვენი. აქ არათუ ქვანახშირი, სპილენძი, რკინა, ქვანავთი, ტყვია, მარმარილო და ამგვარები, უფრო ძვირფასი მადნეულებიც დიდძალი არის. ჩვენ უნდა მათზე თვალი გვექიროს და ვეცადოთ ხელიდან არ გავუშვათ. ეს ჩვენ ქვეყანას კეთილდღეობას მოჰმადებს, თუ ჩვენ გვექნა და თუ ხელიდან გავუშვით — დავგდუშავს“.

დიახ, ქვეყანა უყვარდა პოეტს, მისი მომავლის იმედით სუნთქავდა, დადიოდა, ეცნობოდა. აუოველ გოჭ მიწას, მის ხალხს, აი თვითონვე ამბობს.

„ჩემს ქვეყანას კარგად ვიცნობ, მომივლია კიდე-კიდე“.

ჩვენ კი მთავარი ურადლება უნდა შევაჩეროთ აკაკის მოგზაურობაზე რაქა-ლეჩხუმში, გადავცეთ მოსწავლეებს ხალხის აღტაცება, საქმიანი შეხედრები, განსაკუთრებით მეზობელ სოფელ ლაილაშში.

მოსწავლეებში ფესვი უნდა გაიდგას პოეტის დიდმა დამსახურებამ სამშობლოსა და ხალხის წინაშე. პოეტის და ხალხის ურთიერთობამ, რაც ნათლად გამოვლინდა მისი დაკრძალვის დღეს, იგი გადაიქცა გრანდიოზულ სახალხო დემონსტრაციად. სწავლების პროცესში მიზანმიმართულად ვიყენებ თვალსაჩინოებას, ტექნიკურ საშუალებებს, დიაფილმებს, ეპიდასკოპს. თუ შესაძლებელი იქნა ვაჩვენებ ფილმს „აკაკის აკვანი“.

აკაკი წერეთელი წინასწარმეტყველურად ამბობდა: „საქართველო უფრო დიდებული მომავალი ექნება, ვიდრე აწმყო“ — შევეუბრებთ მომავალს, გვჭერა მგონის შთამოგონებელი ნათქვამისა. ღმერთო მომადლე ქართველს მხნეობა, აღუდგინე თავისუფლება თავის მამულში!

ნ. ზრუშიძე.

ალმანის საშუალო სკოლის ქართული ენისა და ლიტერატურის მასწავლებელი.

პოეტის შემოქმედება სსოვრების გაკვეთილებში

ბლებისადმი, რომლებიც მთავრდება მინაწერით — თქვენი მონაშეილი აკაკი.

„ნუ გგონიათ, რომ მაშინდელი მშობლები უგულო ყოფილიყვნენ და შვილები დღევანდელ დედებზე ნაკლებ პყვარბოდნენ. აქ სულ სხვა მიზეზები და საფუძველი იყო, ეს გაზრდილ-გამზრდელთა აკავშირებდა ერთმანეთთან სხვადასხვა წოდებას.

გარდა ნათელ-მწირობისა, თითქმის სისხლხორცობა არ მიაჩნდათ ისე მტკიცე კავშირად, როგორც გამზრდელ-გაზრდილობა. არათუ ძიძიშვილები და მათი ახლო მონათესავენი, მათი შორეული მოყვარენიც კი მზად იყვნენ ყოველ შემთხვევაში თავი დაედევთ გაზრდილის გულისათვის და გაზრდილიც მარად ექომაგებოდა ამ ხალხს და მათი ბრალია, რომ ამ უკანასკნელ საუკუნეებში ჩვენს ქვეყანაში უფრო კაცური და კეთილი განწყობილება იყო მაღალ და დაბალ წოდებას შუა, ვიდრე სხვა ქვეყნებში. ამ გონივრული ჩვეულების მიზეზი იყო ჩემი სოფელში გაბარებაც და კურთხეულ იყოს ეს ჩვეულება!“ (ბავშვები მოიგონებენ ბიძაშვილობის ამსახველ ნაწარმოებებს, ფილმებს, თუნდაც „მთვარის მოტაცება“).

მოსწავლეები უნდა დაეკვირვონ სოფლის ოჯახის საქმიანობაზე, სადაც ჩანს მუდმივი ფუსფუსი, ერთმანეთისადმი პატივისცემა, კეთილგანწყობილება, ხალისიანი შრომა, პატარები უფროსების გვერდით, სამწყემსურში გართობა-თამაშობანი, რაც მეტად სასიამოვნო იყო მათთვის ახლა კი... ეხალისებათ ჩვენს ბავშვებს ასეთი შრომა? ჩვენთვის, მასწავლებლებისთვის საგულისხმოა აკაკის შე-

შეუღებო ნაკვეთებს). მისი სიბეჭითე გიმნაზიაში, მიუხედავად აუტანელი რეჟიმისა, უდრეკი ხასიათი, სამშობლოსათვის თავგამოდება, მასწავლებლებისადმი დამოკიდებულება, ბნელში — ლამაზი, ადამიანები პედაგოგებად დაბადებულნი, ყმაწვილის სული-სა და გულის თანაზიარი და მოქირანახულები, აკაკი უცხოობაში, ილიასთან ერთად, მიწასთან მიედრო კავშირი. მოვიშველიებთ ისეთ ნაწარმოებებს, რომლებიც დღეს ძალზე გვჭირდება სიმართლისათვის, განწმენდისათვის, დარაზმისათვის, მაგალითად: „ჩუ ქართველო!“

„ჩუ ქართველო ბედაურო, ნუ ამბობ — მამული მიყვარს! როგორ უნდა დაგიჭირო, რომ ძმის სისხლით ხელი გიყარს“.

არ შეიძლება მხედველობიდან გამოგვჩივს 1859 წელს თბილისში გამოგზავნილი ლექსი „ქართლის საღამო“.

„შორის ქვეყნიდან, მოშორებულსა, სამშობლო ჩემო, გიგზავნი გულსა. შენს ერთგულს მიწას, მსხვერპლად მზისა, შენთვის ოხვრისგან დაწყალებულსა. მშვიდობა შენდა, სამშობლო მხარე, ერთს დროს ჩემს სევდათ მოთავსარე“.

ლექსში ქაბუკი პოეტი გამოხატავს საკუთარ ეროვნულ მრწამსს მშობელი მიწის სიყვარულსა და მისთვის თავდადებას, მამულს ურჩევს ძალთა მოკრებას და გამოფხიზლებას. ასეა დღესაც, ამიტომ თანადროულია იგი.

არ შეიძლება ამ დროს მოსწავლეებმა არ გაიხსენონ დიდი ილიას „ყვარლის მთებს“ და ზეპირად არ წარმოთქვან უკვდავი ტაბები.

პეტრბურგის ქართველი

თველოს დიდებულ წარსულს იგონებს, საგულისხმოა, რომ ამ კეთილშობილი ქაბუკის სახეში აკაკიმ ილია ქვეყანაზე იგულისხმა.

ბავშვებს ამ დროს წაკითხული აქვთ კლიმენტი გოგიავას „ილიაობა“, სადაც ეცნობიან ილიას, აკაკის, ვაჟის ურთიერთობას.

ვიხსენებთ პოეტის ნათქვამს: „ორმოც წელიწადზე მეტია, რაც მე და ილია ერთმანეთს ვიცნობთ და არაოდეს ერთმანეთთან პირადი უსიამოვნება და უშეწყოფილება არ გვექონია, პირიქით, გარდა სიამ-ტბილი შეყრა-შეხედრისა და ზრდილობიან დარბაისლურ სიტყვა-პასუხისა ერთი-მეორისაგან არა გვიანხავს რა!“

მნიშვნელოვანია აკაკის როლი თაობათა შორის ბრძოლაში. აკაკი წერეთელმა იმოქმედა ქველი თაობის იდეურ და მარცხებაში. მოსწავლეთა წინაშე უნდა წარმოვაჩინოთ პოეტი, როგორც ქართული ენის დიდი მებოტე. მისი შენარჩუნების, აუვავებისათვის მებრძოლი. იგი მდებო ხალხში ეძებდა ქართული ენის საფუძველს და სათავეს: ქართული ენა ინახება მდებო ხალხში. იქ არის ენის სალარო, ბევრი სიტყვაა დარჩენილი ხალხში, რომელიც ჩვენ არ ვიცით. კაბინეტში მოგონილ სიტყვებს ყოველთვის სჭობია ის, შენებრი ქართული სიტყვები, რაც ხალხში მოიძებნება, ამიტომ საქირაო ხალხური ზეპირსიტყვაობის შეკრება, რომელიც აგვაიღებს თავიდან კაბინეტში მოგონილს უხერხებელ სიტყვებს. ზეპირსიტყვიერების შეკრება იქნება პირველი ნაბიჯი ლექსიკონის შედგენისკენ. დიდა მოღვაწეობა პოეტისა

ფასები და ბაზარზე

გადასვლა

ჩანს, ჩვენი ხალხის სიყვარულმა ფუფუნებისა და დელიკატებისადმი განსაზღვრა მათდამი მთავრობის კონცეფციის დამოკიდებულება რეგულირებად საბაზრო ეკონომიკაზე გადასვლისათვის. გათვალისწინებულია, კერძოდ, უკომპენსაციოდ დატოვონ საიუველირო ნაკეთობათა, ალკოჰოლური სასმელების, თამბაქოს ნაწარმის, ხორცისა და თევზის სხვადასხვა სახის პროდუქციის, მოდური საქონლის, ცალკეული სახის საყოფაცხოვრებო ტექნიკის მორიგი გაძვირება, თუმცა, ეს სრულიად არ არის ჩვენი მომავალი აღწახლავრებული დანაკარგების სრული ნუსხა.

და მაინც როგორ წყდება ფასების საკითხი? როგორც ჩანს, აირჩევენ მოთხოვნის წესს. და მაშინაც ბუნდოვანი განსაზღვრისას კონცეფციის ავტორები განსაკუთრებული ზრუნვის გარეშე შეძლებენ შეფარდონ მთელი ხარისხიანი ხორცისა და თევზის პროდუქტები, მთელი მსუბუქი მრეწველობის ნაწარმი, მთელი საყოფაცხოვრებო ტექნიკა და ელექტრონიკა, თვით ლითონის მარტივი ნაკეთობანიც—ისინიც კი ამჟამად რომ მთლიანად შეიძლება მიეკუთვნოთ ფუფუნების საგნებს. ჩვენი მალაზიების ცარიელმა თაროებმა ადამიანები მიიჩნია ყოველი ნივთის ყიდვა დიდ წარმატებად მიიჩნიონ.

კონცეფციის ავტორები გვარ-

წმუნებენ, რომ დასახული ფასების მომატება დაკავშირებულია არა თვით ბაზართან, არამედ წარმოადგენს ახალ, მხოლოდ უფრო ეფექტიან ეკონომიკაზე გადასვლის პირობას. მაგრამ მილიონობით ჩვენი მოქალაქე, და ეს გვიჩვენა აქამდე არნახულმა მღელვარე აქციონერებმა მოთხოვნის დამატებით, უწინარეს ყოვლისა, შეწყუბუნებულია სწორედ მომავალი გაძვირების ზრდით.

მათ შეიძლება გავუგოთ. ბაზარზე გადასვლისათვის საზოგადოებას მოუწევს მთლიანად გადახდა. საეჭვოა ვინმემ სერიოზულად ჩათვალოს მთავრობის პროგრამით გათვალისწინებული მცირე თანხები, რომლებიც გამოიხატება თითოეული ოჯახის მატერიალური დანაკარგების ასანაზღაურებლად. ასეთ პირობებში განსაკუთრებული მნიშვნელობა აქვს ვიცოდეთ, თუ რა დაგვრჩება ყოველგვარი კომპენსაციის გარეშე.

ეს საინტერესოა

ხუთმეტრადნა შავმა კობრამ ენით აუწერელი შიში მოკვარა სიერალენეს ქალაქბოს საქალაქო სასამართლოს სხდომის მონაწილეებს. საზარელმა რეპტილიამ შენობაში შეაღწია ღრიქოდ დატოვებული კარიდან და ნამდვილი პანიკა გა-

საქართველოში

იჯარით მიგოვებულ მიწები

ძაღვს წყალტუბოს მახლობლად მალაქის საბჭოთა მეურნეობის მოიჯარეებმა ათექვთარიანი მიწის მასივზე საუკეთესო აგროვადებში დაამთავრეს პოსტნეულისა და მარცვლული კულტურების თესვა. ამ უპერსპექტივოდ მიჩნეულ მიწის ნაკვეთზე, მიწადმოქმედთა პროგნოზით, ჰექტარზე გადაანგარიშებით, თითქმის ორჯერ მეტი მოსავალი მოვა, ვიდრე საბჭოთა მეურნეობის ნაკვეთებზე.

ყველაფერი ადამიანთა დაინტერესებაზეა დამოკიდებული. თითოეული მოიჯარე სეზონის განმავლობაში მეურნეობასთან დადებული ხელშეკრულების საფუძველზე ხელფასის დამატებით ორიდან ხუთი ათას მანეთამდე მიიღებს.

„ვეფხისტყაოსანი“ ისპაჩანგოს ენაზე

გამომცემლობა „საქართველოში“ ხუთთასიანი ტირაჟით ესპერანტოს ენაზე გამოსცა შოთა რუსთაველის პოემა „ვეფხისტყაოსანი“. პოემა თარგმნა საქართველოს სსრ მეცნიერებათა აკადემიის ცენტრალური ბოტანიკური ბაღის თანამშრომელმა, ბიოლოგიური მეცნიერების კანდიდატმა ზურაბ მაყაშვილმა. —თარგმნას ათი წელი და ხუთი თვე მოვანდომე, —თქვა მან. —შრომა მძიმე გამოდგა, მაგრამ უფრო გამიჭირდა თვითონ წიგნის გამოცემა. მიუხედავად ამისა რუსთაველის სიყვარულმა ყველა წინააღმდეგობა დამაძლევინა და მიზანს მივაღწიე. ვფიქრობ, ათ მილიონიან ესპერანტისტიდან ბევრი ინტერესით წაიკითხავს პოემას და დაინტერესდება ქართული პოეზიით. მეორე მხრივ ქართველი

საგზაო პოლიცია

სოფლის რაიონის სოფლების გუმისთისა და ახალარის კოლმეურნეობათა პროფკავშირულმა კომიტეტებმა და გამგეობებმა შეიმუშავეს ერთობლივი კომპლექსური პროგრამა „განმრთელობა“, და მისი რეალიზაციისათვის თავიანთი სახსრები და ძალისხმევა გააერთიანეს. ბევრი რამ გაკეთდა შარშან ორივე სოფლის მშრომელთა სამედიცინო მომსახურების, შრომის, საბინაო, სოციალურ-საყოფაცხოვრებო პირობების გაუმჯობესებისათვის. გუმისთაში შენდება ახალი ამბულატორია. სამეურნეო ანგარიშზე გადასვლის შემდეგ დიდი ფულადი შემოსავალი კოლმეურნეობებს საშუალებას ჰქონდა შეეცნობოთ მოგების მნიშვნელოვანი ნაწილი მოახმარონ პროგრამა „განმრთელობის“ შესრულებას.

კობრამ ჩაშალა სასამართლოს სხდომა

მოიწვია. გამომძიებლები, პროკურორი, სასამართლო მსახურები და მცველი პოლიციელები, რომელთაც არაერთხელ ჰქონიათ საქმე საშიშ დამნაშავეებთან, შეკრთნენ და ყვირილით მიაწყდნენ საშველ ფანჯრებს. ვერც ტრავმას გადაურჩნენ. გაქცევის დროს წაიქცა და ფეხი მოიტეხა მოსამართლე მომომ. მაგრამ

რადაც სასწაულით მან მაინც მოიკრიბა ძალა და შეძლო ფანჯრიდან გადახტომა მოტეხილი ფეხით, რათა თავი დაედოა შხამიანი რეპტილისათვის. თვითონ კობრა კი სრულიად არ შეუკრთა მომხდარ ფურორს, მან მშვიდად ამოიჩნია თავისთვის დოკუმენტების ღია კარადა, სადაც დაჟყო დახლოებით ნახ-

ევარი საათი, სანამ მუშებმა არ მიიჩნიეს და არ მოკლეს დაუპატიუბელი სტუმარი. უხუცესი მცხოვრებლები ამტკიცებენ, რომ ასეთი უზარმაზარი შავი კობრა მათ პირველად ნახეს იქ. „სიმშვიდის დამრღვევის“ გამომშრალი ტუპი ახლა სასამართლოს ერთ-ერთ დარბაზს ამშვენებს.

(საქმის).

ფილმსაცხი

ნუნუ მაგარდაშვილის მიხედვით

გილოცავთ შეილიშვილის შეძენას, ერის სასახელო შეილი გაზრდილიყოს. შემატებოდეს მრავალი დამაინა, ნინო. ნუნუზარ სადინაძეები ვარლამ, თამარა, ნათელა, ნანა, ბანჩო გოლეტიანები.

ნინა დიმიტრის ასულ ჩარკვიან-ვახუშტიანს

გილოცავთ შეილის რანი (ხუხა) რაფიელის ძე ჭაბუკიანის ტექნიკურ მეცნიერებათა დოქტორის ხარისხის დაცვას. სიხარული ნუ მოგვლბოდეთ. მარო,ლეო, გურამ ჩარკვიანები ოჯახებით.

ნორა სადინაძის ჯუმაგარ ბენდელიანს

გილოცავთ შეილიშვილის შეძენას. გაზრდილიყოს ნამდვილი ქართველი ქალი. ცაგერის სარემონტო სამშენებლო უბნის თანამშრომლები.

ლალი ლევანის ასულ ჩიქოვანს

გილოცავთ დაბადების დღეს. გისურვებთ წარმატებებს მომავალი თაობის აღზრდის საქმეში. სიხარული და ღიმოლი ნუ მოგვლბოდეთ. მადონა ბერიძე, მარიკა მუშკუდიანი.

მეფულე ლიანა, შეილები ნანი, დალი, მარინე, გოგი, რძალი ნაირა, სიძეები ჟორა ჯანგაძე, მირზა ლიპარტელიანი, ემზარ კვირკაშვილი, შეილიშვილები ოლეგი, ლაშა, დათო, ლია, ნინო, დათო, ძმა გურამი ოჯახებით იუწყებიან, რომ გარდაიცვალა

სტავნიკო ილიკოს ძე ამბროლიანი დაკრძალვა 12 ივლისს, ხუთშაბათს, სოფ. მახურაში.

ამბერკი ცვარიანი, ამირან ფუტყარაძე, რაინდ ჩხეტიანი, მალხაზ ბენდელიანი ოჯახებით იუწყებიან, რომ გარდაიცვალა ლევან ცვარიანი

სონა, ბიქტორ, გრიშა, ბუქუ სალინაძეები ოჯახებით იუწყებიან, რომ გარდაიცვალა პასიკო ალექსის ასული ჭაბუკიანი

ოთარ ყურაშვილი, ომარ გვიშინი ოჯახებით იუწყებიან, რომ გარდაიცვალა ლევან ზაურის ძე ცვარიანი

საქართველოს კვ ცაგერის რაიკომთან არსებული პარტიული კომისია იუწყება, რომ გარდაიცვალა ამავე კომისიის წევრი

გალაქტიონ ლავრენტის ძე სალინაძე

საშენი მასალების სამეურნეო-ბათუმისო საწარმოს თანამშრომლები თანაუგრძნობენ მაგული გურგუჩიანს ბებრის

პასიკო გურგუჩიანის გარდაცვალების გამო.

ცაგერის საცალო ქსელის ვაჭრობის მუშაკები თანაუგრძნობენ ლილი გურგუჩიანს დედის

პასიკო ჭაბუკიანის გარდაცვალების გამო.

მალაქი ლიპარტელიანი ოჯახით იუწყება, რომ გარდაიცვალა სტავნიკო ილიკოს ძე ამბროლიანი.

შოთა ბობოხიძე ოჯახით იუწყება, რომ გარდაიცვალა ლევან ზაურის ძე ცვარიანი

რედაქტორი ნ. ნიხსაძე

ცაგერის ბაგა-ბაღის თანამშრომლები თანაუგრძნობენ გულო, დალი ცვარიანებს შეილისა და ძმისშვილის

ლევან ცვარიანის გარდაცვალების გამო.

შინაგან საქმეთა ცაგერის რაიგანყოფილებისა და დაცვის ქვეგანყოფილების თანამშრომლები თანაუგრძნობენ გენო, სეროჟა ლურჯუმალიძეებს სიძის დიდიმეი კაპანაძის გარდაცვალების გამო.

ავდილო, ბადრი კვირკაშვილები, სოზარ ბურჯალიანი ოჯახებით იუწყებიან, რომ გარდაიცვალა სტავნიკო ამბროლიანი.

ჯონდო სალინაძე, ოლეგ ბერელაშვილი, ბადრი ხეცურიანი ოჯახებით იუწყებიან, რომ გარდაიცვალა

სტავნიკო ამბროლიანი

ჩვენი მისამართი: 384100 ცაგერი, ლენინის ქ. №86. ტელეფონები: რედაქტორის—22-31, რედაქტორის მოადგილის — 22-35, პასუხისმგებელი მდივნის—22-37, განყოფილებების: სოფლის მეურნეობის—22-36, მშრომელთა წერილების—22-41, საკორექტოროს—22-48, სტამბის დირექტორის —22-17, საამწეობრო სააშკროს—22-28, გაზეთი გამოდის სამშაბათს, ხუთშაბათს, შაბათს, შეავეთა ყ 1 იანვარს 1990 წლიდან, ტირაჟი 4000

საქართველოს სსრ ბეჭდვითი სატყვის სახელმწიფო კომიტეტის ქუთაისის პოლიგრაფიული გაერთიანების ცაგერის ტბაში,